



CONVOCATORIA DE PRBAS ESPECÍFICAS DE ADMISIÓN AOS ESTUDOS DE GRAO EN CIENCIAS DA ACTIVIDADE FÍSICA E DO DEPORTE E AOS ESTUDOS DO SEGUNDO CICLO DA LICENCIATURA EN CIENCIAS DA ACTIVIDADE FÍSICA E DO DEPORTE, CON COMPLEMENTOS DE FORMACIÓN, DA FACULTADE DE CIENCIAS DO DEPORTE E A EDUCACIÓN FÍSICA, PARA O CURSO ACADÉMICO 2011-2012

O RD 1423/1992 do 27 de novembro, sobre incorporación á universidade de ensinanzas de educación física, establece no seu artigo 3 que as universidades, en atención ás aptitudes indispensables para a aprendizaxe das materias ou disciplinas propias das ensinanzas de educación física, poderán efectuar, a quen solicite iniciar os ditos estudos, probas de avaliación das aptitudes persoais para a actividade física e o deporte que, en ningún caso, consistirán en probas de coñecemento e só se outorgará a cualificación de apto ou non apto.

De acordo co exposto, convócanse as probas de avaliación específicas que se regularán polas seguintes:

BASES

Primeira: número de prazas

O número de prazas para admisión aos estudos de 1.º curso do Grao en Ciencias da Actividade Física e do Deporte e para admisión aos estudos de segundo ciclo, con complementos de formación, na Licenciatura en Ciencias da Actividade Física e do Deporte, será o que aprobe a Comunidade Autónoma de Galicia tras a proposta do Consello de Goberno da UDC para o curso académico 2011-2012.

Segunda: acceso aos estudos mencionados da Facultade de Ciencias do Deporte e a Educación Física

Regularase polos prazos e os procedementos establecidos pola CIUG (Comisión Interuniversitaria de Galicia) de acordo coa lexislación vixente.

A Facultade de Ciencias do Deporte e a Educación Física realizará as adaptacións precisas nas probas de avaliación específicas para aqueles estudantes con discapacidade.

O tribunal poderá modificar os protocolos e os baremos das probas específicas, tendo en conta as características teórico-prácticas dos estudos de Ciencias da Actividade Física e do Deporte e a posible adaptación destes nos casos que puideren presentarse.

Terceira: lugar e datas de realización das probas

As probas realizaranse nas instalacións da Facultade de Ciencias do Deporte e a Educación Física da Universidade da Coruña.

As probas específicas de acceso terán lugar nas seguintes datas:

- O día 9 do mes de abril de 2011
- Os días 16 e 17 de xuño de 2011

No caso de non se cubrir nestas datas o número de prazas que se aprobe de acordo co



establecido na base primeira desta convocatoria, porque as persoas aspirantes non acadaron en número suficiente a cualificación de APTO/A, de acordo co que está reflectido na base sétima no apartado de puntuacións, repetirase a convocatoria no mes de setembro (6 de setembro de 2011) que estará regulada por todo o previsto nesta resolución.

Cuarta: solicitude de matrícula para a realización das probas específicas

Normas de inscrición:

As persoas que desexaren tomar parte nas probas específicas cursarán a súa solicitude utilizando os impresos normalizados, dirixidos ao decano da Facultade de Ciencias do Deporte e a Educación Física, de acordo cos prazos que se sinalan nas presentes bases.

- Os impresos normalizados, as bases da convocatoria, as instrucións de matrícula e os anexos da presente Orde poden descargarse da seguinte páxina web: www.udc.es/inef.

As persoas aspirantes entregarán as solicitudes nas oficinas desta facultade, persoalmente ou ben a través do correo certificado. Será de aplicación o artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, dentro dos prazos que se sinalan e de acordo coas seguintes condicións:

A documentación que deberán presentar é a seguinte:

- Solicitude dirixida ao decano desta facultade en impreso normalizado
- Tarxeta de exame debidamente cuberta, con fotografía adherida
- Fotocopia compulsada do DNI
- Certificado médico expedido en impreso oficial do Colexio de Médicos en data recente (máximo dous meses anteriores ao prazo de entrega da documentación) en que se faga constar literalmente que "non existe ningún tipo de contraindicación que impida a realización de probas físicas de máximo esforzo".
- Resgardo de aboar os dereitos de exame e para o pagamento do seguro de accidentes que se realizará mediante un impreso contable para tal fin.

As persoas aspirantes incluídas na quenda de discapacidade deberán:

- Solicitar expresamente no formulario dirixido ao decano da Facultade de Ciencias do Deporte e a Educación Física que se realicen as adaptacións necesarias ao seu caso.
- Xuntar na súa documentación a certificación oficial de discapacidade recoñecida polo órgano correspondente da Xunta de Galicia ou outro órgano oficial.

A solicitude para realizar as probas específicas non exime da realización dos trámites de acceso e admisión á Universidade regulados pola CIUG. Para estes trámites deberá dirixirse ao LERD que lle corresponda (os LERD da UDC atópanse no Pavillón de Estudantes, campus da Coruña(Elviña), teléfono: 981 167 000, ext.: 1192 e no campus de Ferrol (Esteiro) teléfono 981 337 400 ext.: 3652).

Quinta: prazos de matrícula

O prazo de matrícula para as probas específicas de admisión abrírase o día da publicación desta resolución na páxina web desta facultade (www.udc.es/inef) e pecharase nas datas seguintes:



- convocatoria do 9 de abril: 30.03.2011 (inclusive)
- convocatoria do 16 e 17 de xuño: 06.06.2011 (inclusive)
- convocatoria do 6 de setembro: 27.08.2011 (inclusive)

Para poder realizar as devanditas probas será necesario ter entregada toda a documentación esixida na base cuarta.

Sexta: dereitos de exame

O importe dos dereitos de exame será de 63,67 €, máis 6 € en concepto de seguro de accidentes.

As posibles bonificacións ou exencións de prezos estarán suxeitas ao que está disposto no:

- Artigo 14.2 da Normativa de xestión académica 2010/2011, aprobada por RR do 24/06/2010
- Decreto da Xunta de Galicia 115/2010, do 8 de xullo, polo que se fixan os prezos correspondentes á obtención de títulos oficiais no ensino universitario para o curso 2010/2011.

O pagamento dos dereitos de exame permitirá presentarse a todas as probas previstas nesta resolución (abril, xuño e setembro), só haberá que aboar novamente o seguro de accidentes.

Sétima: probas específicas de admisión

Regulamento

Con dez días de antelación, como mínimo, no taboleiro de anuncios da Facultade de Ciencias do Deporte e a Educación Física publicarase o Regulamento das probas específicas, polo que se rexerán as condicións e o desenvolvemento destas e a composición do tribunal que vulgará as probas. Así mesmo, o regulamento poderase consultar na páxina web (www.udc.es/inef).

As probas específicas realizaranse nas instalacións da facultade (Avda. Ernesto Che Guevara, 121, 15179 – Bastiagueiro (Oleiros) – A Coruña).

Puntuacións

Para obter apto, a persoa aspirante terá que conseguir polo menos a puntuación A en catro das cinco probas e a B nunha. O tribunal poderá descualificar a persoa aspirante nunha proba se non cumpre o que establece o Regulamento.

Descrición e orde de realización

Consistirá na realización de cinco probas de aptitude para a actividade física e o deporte, cunhas puntuacións A e B, conforme o baremo que recolle o ANEXO I desta resolución e seguindo a orde que se especifica a continuación:

Bloque 1: Proba de adaptación ao medio acuático

Bloque 2: Proba de axilidade no chan

Proba de carreira de obstáculos (esta proba realizarase a cuberto)

Proba de axilidade co balón

Bloque 3: Proba de resistencia cíclica

Poderase modificar a orde das probas do bloque n.º 2, en función das necesidades de organización. Cando o rendemento da persoa aspirante nunha proba sexa interferido por motivos alleos á súa vontade, a xuízo do tribunal, esta persoa poderá repetir a proba.

Oitava: aptos e matrícula definitiva

Oportunamente, publicarase a relación provisional de aptos e non aptos. Unha vez publicada esta listaxe, abrirase un prazo de cinco días naturais para posibles reclamacións, posteriormente publicarase a relación definitiva de aptos no taboleiro de anuncios da Facultade que no seu momento se tramitará á CIUG. O "apto" nas probas específicas de admisión nesta convocatoria manterase durante os dous cursos seguintes (2012-2013 e 2013-2014).


As alumnas e os alumnos que nas probas específicas de admisión a estes estudos durante os cursos 2009-2010 e 2010-2011 obtiveron a cualificación de "apto", non terán que realizalas novamente neste curso, sen prexuízo de cumprir co que dispón a CIUG para o acceso á universidade.

Novena: tribunal

As probas específicas serán xulgadas por un tribunal nomeado polo reitor da Universidade da Coruña, por proposta da Dirección da Facultade de Ciencias do Deporte e a Educación Física, formado entre profesores e profesoras desta e que estará presidido polo decano da Facultade ou persoa en quen delegue.

A Coruña, 18 de marzo de 2011

O reitor da Universidade da Coruña



José María Barja Pérez

ANEXO I

BAREMO DAS PROBAS ESPECÍFICAS DE ADMISIÓN AOS ESTUDOS DE GRAO EN CIENCIAS DA ACTIVIDADE FÍSICA E DO DEPORTE E AOS ESTUDOS DO SEGUNDO CICLO DA LICENCIATURA EN CIENCIAS DA ACTIVIDADE FÍSICA E DO DEPORTE, CON COMPLEMENTOS DE FORMACIÓN, DA FACULTADE DE CIENCIAS DO DEPORTE E A EDUCACIÓN FÍSICA, PARA O CURSO ACADÉMICO 2011-2012

Bloque 1.º: Adaptación ao medio acuático

MARCA A:

Homes: 46"
Mulleres: 53"4

MARCA B:

Homes: 48"53
Mulleres: 56"

Bloque 2.º: Proba de axilidade no chan

MARCA A:

Homes: 7
Mulleres: 7

MARCA B:

Homes: 6,7
Mulleres: 6,7

Proba de carreira con obstáculos

MARCA A:

Homes: 9"20
Mulleres: 11"28

MARCA B:

Homes: 9"80
Mulleres: 11"88

Proba de axilidade co balón

MARCA A:

Homes: 100"
Mulleres: 155"

MARCA B:

Homes: 114"
Mulleres: 196"

Bloque 3.º: Proba de resistencia cíclica

MARCA A:

Homes: 9´44
Mulleres: 13´01"

MARCA B:

Homes: 10´16"
Mulleres: 13´58"